

憶山堂詩錄

憶山堂詩錄卷之七

甲戌

周雨亭刺史

澍

招飲卽席賦贈兼呈雷湘隣大

令學淦

沈心齋郡丞

禮意

懷中有刺篋有書天涯寂寞無歡愉偶逢知己不辭
飲清樽相對聯歌呼周郎佚宕世所無今夕爲我傾
百壺劍光拂拭問雷煥隱侯議論常人殊春宵苦長
燭苦短不愁夜鶴愁啼烏天星錯落似難數況有雲
色相模黏更思去歲過元日得君招飲趨泥涂今來
展轉滯歸路卻疑鴻雁留江湖諸公憐我成清臞吾

言一
舌已做腸亦枯擲去寶玦青珊瑚唯有沈醉真良圖
題遁甲書寄心齋

子雲艸元夢腸出仲翔食篆三爻畢赤文綠字在人
閒中有鬼神傳秘密以象生畫畫生卦曰奇曰門字
滋益始知日用不可離莫道旁門託方術昔者長沙
逢李叟授吾此書促吾膝口吟指記十旬餘未敢深
言望堂室偶將此義證古文星。丁月囚。丙日從乙
更如絲。癸字网四張在文字先不可失理解尋常尙
未安錯落分章愁放佚今尋沈子論陰陽旁魄居然
出斯帙五行有制亦有生消息此中參更實自古醇

儒貴貫穿況今遺恣非蕤室願聽妙語發奇思但恐
庸流笑謔談問君此道果可傳閉戶還當一千日

舒白香居士

夢蘭

見示古南餘語題此奉贈

別君言貌章江濱誦君詩句衡山麓菊秀蘭芳序不
同各有遙情相往復飛鴻似我覓爪痕扁舟重問松

陽門故人龔勝

西原太守

述君事知君黯爾方銷魂義山

錦瑟華年度庾信傷心前日賦四卷楞伽覺有情一
雙鬢髮青愁素剝啄相尋顛頓時可憐咫尺徒相思
眼明歸識几案字先貽盈幅瓊瑤詞雁足鎧挑紅綴
栗蠶眠文好循環讀南山新補碧桃花千載情懷聊

言一
絕續夜中掩卷一沈吟又向天香館裏尋玉牕瑩滯
湘簾妥夢回更覺碧雲深
二

別洪州親友八首

盛孟巖廉訪

惇崇

自笑江湖顛頽情只愁磨滅刺中名醇醪乍飲欣何
意廣廈堪依惜此行流俗漫疑聲氣附文章同願羽
毛生樽前移我汪汪度不似波濤太不平

張古餘太守

敦仁

福地瑯環記有痕西來零落此專門十年話舊江南
北兩世論交情弟昆積有詩篇聊爾爾欲題煙樹正

昏昏春來草長鶯飛處定得相逢問酒樽

太守將出浙赴京約

在維揚相見

憚子居大令敬

文字居然百不靈閒官只許住寒廳

時權吳城同知

早愁鍛

鍊碯康獄更恐飄零戴聖經老母門閭增悵望故人書問好丁寧臨岐別子無多語怕有山中魑魅聽

姚質甫司理師萬

同對名花費品題天涯別理不能齊阻風中酒情牢落滅燭留髡語滑稽江上數峯愁過雁渡頭幾夕聽荒雞吟成七字酬姚合更有流鶯恰恰啼

雷湘隣大令

胸懷磊落態嶷嵒
薄宦君於斯世宜
傾倒言詞繁不
殺結交肝膽兩何疑
難忘說劍論詩夜
相對燈昏燭
地時已是潞河風
雪過欲憑春草寄
相思

謂令弟竹卿

龔西原太守

文虎

愛客工詩識此心
章門三載得知音
才人趨子如流水
稚弟憐余真斷金
各向枯篷緘遠思

時西原以公事往袁州

何時官閣佇清吟
桃花如雨柳如絮
無限離懷底處尋

蔣淥初貳尹

方增

蔣侯書記早翩翩作吏無端近十年應有解嘲成拓
落曾容話別放狂顛蕭蕭苦雨維歸艇宛宛明星憶
綺筵君是江州舊管領何當代問琵琶淶初曾權
德化令

陸子愉茂才

麟書

袖中溫卷有塵埃舊壁詩篇意獨哀八口蕭條猶異
地頻年抑塞此奇才笙歌畫舫前題在簾棟高樓昨
夢回珍重灌嬰城外別不須長缺賦歸來

茶山草堂歌呈方茶山先生

體

廬山之謠至今在廬山寂寞已千載今朝突兀見草
堂情思天雲氣滄海人言江州太守茶山翁十年清

冷始葺此屋廬山中山中無人太守醉兩掖已舉萬
頃鄱湖風眼底培塿不足數徑路時有風雲通我昔
聞廬山未至廬山麓一生不蠟幾量屐願得臥遊聊
局促先生知我塵中來清衙爲暖琉璃杯草堂有圖
張素壁目涉邱壑心胸開嗚乎近來古道殊未多令
我俯仰爲此歌況念方州尙還軫蓬蒿久積薜荔荒
山阿何時卜鄰茶山草堂側萬仞插腳相與看屣屨

真州書感

三載真州路春江感又生千秋亭畔事愁斷庾蘭成
惡浪驚魂小荒原尺土平宋寥洲上月一片照沙明

洪桐生先生

梧

招集梅花書院賦呈並呈凌曉

樓

曙夏慈仲

寶晉

二首

十年久箸門生籍五筆曾抄插架書折柬許來梅樹
下停觴已過雪消初論文欲得心相印說士纔知肉
不如江北江南奔走熟自傷爾雅釋蟲魚

春風已見香成海舊雨都看氣似雲法例公羊顏氏
學詞章司馬漢朝文同將玉屑中心寫各乞穠香竟
體薰醞醖未乾花滿屋深談何意到斜曛

廖復堂都轉

寅

招集題襟館同人各以姓限韻

分賦得宋字

雪意梅魂閒鶴夢春風吹入珠簾重廿四橋邊獨客
留題襟館裏清樽共先生論文雅愛士早取羣言悉
兼綜眼前數子皆時賢尤幸同時備賓從檐花不落
燭花紅舊雨無多今雨衆自憐萬種積離情儼綴干
言托謠諷江水發源公所居萬里東趨巨魚縱何須
洛蜀論程蘇真欲衙官呼屈宋立功立德古所尊文
章徒美猶無用座中樂生蓮裳澹宕人此語爲余聊一
誦舉酒鬱鬱不解飲聞說春江已消凍且和春坊劍
字詩愁聽玉笛陽關弄何當如鶴去還來攜取梅花
和月種題襟館兩鶴去冬一鶴飛去二月復來同人作來鶴詩以紀其事

邗江卽事四首

十日廣陵住生涯托短篷遙山平莫接溝水曲從東
略識繁華景難禁料峭風問春春已半猶此比萍蓬
此地多詞客流風未渺然題襟增姓氏

復堂都轉重
開題襟館

載酒足詩篇雨雪思羣彥停雲各幾年大堤寒乍較
應泊孝廉船

舒鑊雲沈小宛輩
公車尙未過揚州

豆蔻梢頭月玉簫樓畔雲揚州歌舞地誰是杜司勛
燈火春江上波濤聽夜分樽前皆舊雨能不感斯文

熊椒寔編修裘漁橋孝
廉同泊江干頻聯尊酒

有客尋求仲聊爲此夕留

裘守齋觀察書至約暫停
數日相見時尙在眞州未

至相思違一舍遙意竚高樓人語春聲雜天涯暝色
愁綠楊絲未縮獨坐詠芳洲

九十九研圖爲顧梧亭丈

晉芳題

丈人雅好信無匹三十年來耽硯癖米顛東海在袖
中坡老涵星照几席雲根欲劖日華分評品猶能記
疇昔嗣聞寄跡端谿旁數載窮岩恣搜索粗材與世
鮮切磋薄質逢時差窘迫唯有細膩論肌膚更露光
精呈緯繡歸除硯室修硯譜九十有九數已積百硯
缺一不敢盈留得閑田待農隙吁嗟賤子守一硯自
覺篋枯難潤澤莫言此事太磨人請效桑生歸鑄鏡

將出都門徐少鶴學士頌置酒相餞作此識別

十日平原未足論故人珍重黯消魂坐中大抵同鄉里別後何能問酒樽鸞掖文章應有價鴻泥惆悵恐無痕臨歧劇作歌呼態知我愁腸揔不溫

留別雲九銓

古人壯遊稱萬里我視萬里猶過之握手別君已脉脉出門驅馬方遲遲皋蘭城郭愁獨往燕臺歌曲增相思綠楊可使縮成結只有離懷不自持

驪山湯泉懷古

秦關百二暮烟昏且取開天舊事論鶉首度中人小

劫驪山宮下水長溫涓流侶寫當年淚殘發難尋舊
日痕寂寞方池晚來浴一甌新茗坐雲根

朱中丞

勳屬題撫松小影

磊砢長松意共清卅年戎馬本書生已看眼底銷烽
燧共說胸中富甲兵許國一身經百鍊籌邊華髮冠
諸卿人間誰是荆關輩爲寫精嚴細柳營

屢接芳筵辨最雄寫真更許認圖中浮生鞅迹能憐
我絕代賢豪又見公銅柱新題看手筆花翎舊賜記
膚功終南仙館焚香坐亦有松濤聽古風

關中呈趙味辛丈

懷玉

兼題病榻倚肘卷子卽

用元韻五首

征塵日擾擾此亦天賦命欲息跨鞍勞且說采薪病
余就甘肅盛方伯之聘頃至關中以病辭無那客中飢招我感情盛先生
精古思清談許傾聽公子氣亦豪愛客勝俗更竹柏
坐庭除空明夜如鏡貿然入關來只此數言證

生無著書才宋宋俟枯朽偶欲效古人不自別妍醜
先生文章伯照耀江左右無端西到秦石鼓問魯叟
長日苦支離終歲惜抱負願陳肺腑詞自有金石壽
滄江白雲深先此掉臂肘

曩歲錢華州

謂錢獻之

右體苦跛倚自號扁跳人日究六

書始今我謁起居紉左病校此馳騁翰墨場猶可執
鞭弭行來萬金藥夫子笑莞爾時有人欲覓再造丸相饋者絕續
古人心遙遙當後死禮堂寫定文一世拱而俟

隱几坐兀兀蕭然侶無徒賞此歲寒心相對忘塵區
丹青費傳摹一卷留歲徂自題五言詩索和搜腸枯
秋堂晝方熱灼如坐洪爐誦詩兼讀畫聊釋心煩紆
願寫訪碑事補此盈尺圖

入秦有旅人過伏怕問臘身憐寓宙微思謝風雲雜
二華迹未登青門足空踏近林有精舍經月下懸榻
奇賞擬八觀連日出碑刻書畫圖籍
擬作近林精舍八觀詩縱言彌六合但

祝腰腳健歸值寒颯颯更圖鄧尉梅行歌當互答

繼蓮龕廉使

繼昌

以生日謝客余以前二日過

訪留飲賦贈二首

舊事閑尋手一編蓮龕坐我說觀蓮

昔人以六月廿四日爲觀蓮節

公以廿九生日詩人合與花同命酒國頻驚句欲仙客裏見

君忘異地座中論歲數周天

座中十一人共年三百六十五歲

來宵

儼倒秋缸飲不管先生費俸錢

八年風雨記牂牁曾聽清衙一曲歌

丁卯六月十日謁尊丈耐園先

生于威寧節署陪侍累數晨夕

多感丈人來筆札劇憐賤子滯關河

鯉庭今羨勛名盛馬足徒令歲月磨不分雲泥成判

隔相逢且共詠圓荷

七夕味辛先生置酒相餞並蒙贈詩次韻奉謝

雪兒解唱柘枝新況有醇醪勸別辰今夕合離尋故

事同時贈答幾勞人同席陸紹聞外兄亦有詩明星漢戶候蕭瑟

秋水秦風路苦辛烏鵲欲飛吾欲去勉留此曲和陽

春

贈同年陸秀三芝田再次味辛先生前韻

最喜天涯交結新各諏歸路佇良辰長安市上問狂

客太白以來有幾人共把金樽話秦漢誰持鐵板唱

蘇辛燕昭臺畔遲君見一醉須尋土窟春

朱虛舟中丞集同人於終南仙館相餞卽席有

賦

新秋雨洗灞橋樹行將策馬西京路忽見材官一騎
來幕府爲我傾尊罍終南霽色到几席脫略形迹無
嫌猜座中陸生負遠抱十年一見猶草草

勅文外兄

延州

太守亦豪達

費歐餘丈

裘君頽然沈君悄

裘沈兩大令

中有新

知雜故知同陪清讌方遲遲各向樽前感知已我有
別言殊未已古來好鬪如秦人自經勦撫風轉馴公
推誠意置心腹士碎肝腦忘苦辛山中餘孽何足數
停觴且對當筵舞劍氣詩懷暫合并深情苦語頻傾

吐更有清歌不忍聽西風無限短長亭會須珍重青
門別莫使天涯比散星

陸子良 循應

四鼓相送臨潼郭外三疊七夕詩

韻以別之

日見人間才調新相逢原不隔參辰臨潼郭外微茫
夜下澤車中轉側人難遣別懷驚陸續因從戚舊識
莊辛子良外舅莊君杏
雨時官臨潼尉少年宦學羞吾輩勿更遲迴

惜好春

四疊七夕韻寄味辛先生

茲行又覺別離新會合難忘幾浹辰遍讀文章知鐵

體願尋醫藥究銅人片言總帶風霜氣百物無如薑
桂辛更想藍輿歸興發預知腰腳健冬春

五疊七夕韻卻寄陸劭聞外兄

耀適

離愁萬緒一宵新逆旅遲眠看北辰分我叢殘金石
錄見贈碑版拓本甚多思君品詣漢唐人曉風披拂難題柳缺
月蹉跎又見辛此去洛陽親友在謂魏曾頌諸人冰心爲道

玉壺春

寇萊公故里

在華州

五庚已盡兩京灰猶向萊公故里來此日有人尋巷
陌當年無地起樓臺巖疆孤注同朝謗瘴海羈魂舊

史衰弱冠科名勛不世宋朝不算失奇才

郭汾陽王故里

在華州

粗官落拓本閒身羯鼓霓裳識未真塞上紅塵如彼
美車中青眼想伊人父兄蚤結三軍願日月同看再
造新無奈風爐久蕭瑟舊墳難覓石麒麟

謁華陰廟十四韻

自古河西華三公望祀尊金神秋氣肅木主舊儀存
奔走經官路低回叩廟門山形收石闕雨勢斂雲根
奇樹商周改豐碑赤綠捫龍鱗閱生死鷄首變朝昏
恍若通靈園嚴如近帝闈冕旒凝肝鬢棗棟想蚡蝓

唐室文難泐隋時火不溫一篇傳贗鼎三代識犧樽
少慰前遊願頻將故蹟論衆峰羅列處獨客往來痕
霽色清遙嶂餘霞散暮村何當登落雁呼吸問詩魂

潼關旅舍晤莊虛荄刺史

所

五十餘年有盛名江湖白髮識先生鏡中勛業蹉跎
慣篋裏詩篇取次成榆塞葉飛勞遠思蘭陵酒熟數
歸程自慚行徑蕭條極敢謂相逢眼易明

閩鄉關龍逢墓

四百留餘燄龍逢已殺身誰題一片石如作九原人
死諫前無是成仁後有鄰遙遙比干墓相望各嶙峋

靈寶縣函谷關

西極流沙路渺冥東來車馬想難停當年若不逢關
尹何處能傳道德經

猶記爭雄七國間東西形勢劃河山傷心當日三千
士只辦怱怱出此關

峻陵道中作

陝州東六十里

廿年不住東西轍今畏峻陵路幾盤渾似豨膏難棘
軸羨他飛鳥有高翰風聲如想秦師過石骨重經蜀
道難且轉方輪驅木馬二陵愁思望漫漫

洛陽賈太傅墓

投湘一書詞悱惻洛陽少年幾人識前席何時問鬼神地下疑聞長太息士於古義得通曉漸覺世途生偏側不然絳灌彼何人能使江潭淚橫臆

汲郡比干墓

碧血入地三千年有封若堂指道邊似篆非篆隸非隸殷比干墓文深鐫世傳孔子適衛國四字刻石經風煙斯言真偽竟難斷唯有古思生蒼然冢中竹書久凌雜大誓三策無殘編東瞻淇隩西衛水一坏土比南山堅心肝旣已碎宗社魂魄定欲懷朝鮮我今驅車墓旁過際曉黯淡星河天草間燐火光四散應

照七十公家田

銅雀臺

銅雀臺荒問幾層已無松柏識西陵情多猶欲娛魂
魄腹痛曾知念友朋漳水逝波看曲折建安遺瓦有
楓棧士衡於此生惆悵憑弔重來想一登

磁州道中書感

一區秔稻一深溝幾度驅車古惠州誰向北方談水
利只緣西湖有泉流何人再使九河復遍地長教五
種收無柰從來知目睫川渠空費古今求

邯鄲別意

曲終使我黯魂銷
殘醉難忘頰上潮
明月送人車漸遠
如何遣此可憐宵

旅舍壁間見余三砥源題字書此寄懷

三年懷友渭河西
壁上斑斕見舊題
逆旅何堪有明月
起來吟到玉繩低

趙州大石橋旅舍有吳門女子雲瑛題句因和

一首

讀罷題詞意欲消
如何屬和太寥寥
江湖更有難歸客
五度燕南過此橋

又次前韻二首

舊題詩處迹全消繫馬秋風更寂寥此酒茫茫澆未
得有人獨立趙州橋

樂石煙雲本易銷如虹猶接碧天寥當年驢背恩恩
甚記得人間第幾橋

唐文粹載張或石橋記今刻石
無存唯存明嘉靖閒刻石云有
張果墜驢迹

樂城逆旅見蔣小松學沂借魏曾頌北上宿此

和汪小竹全德趙州題壁詩亦用其韻卻寄曾

頌小松

華年無計儘消磨壁上都題醉後歌長路乍爲今雨
別離情竟比亂雲多幽憂官舍人居洛

時曾頌奉
諱候代辛

苦輪蹄客渡河最是挑燈樂氏夕沈吟抵誦百千過
逆旅壁間詩紀事

柏鄉縣客舍有題字云越碩海上人也挾書筴劍器
遨遊四方婦青邱子亦有同志青燈逆旅各題詩以
寄懷越碩詩云燈前看劍久低昂蝕盡龍文尙有銛
杯底深深人鬱鬱何時釋此九迴腸青邱子詩云跨
衛同來迹未明西風不管客愁生直須踏遍九州路
始信乾坤大有情因詢館人云數日前甫去其大致
了不異平人豈有所不得志於勢位無可適從而爲
此言青邱子則托爲域外之論以寬其無聊不平固

仇儷之美者也然落魄方州踪跡難命旁舍敗垣以
寄吟歎則其涂亦窮矣哉遂本詩意並館人語作歌
以紀其事

泥墻數尺雨腳注斑斕都作題詩處歡愉憂戚有殊
情讀罷躊躇不能去昨宵百里初解鞍忽見敗壁蛟
蛇蟠一倡一和意出沒有侶琴瑟東西彈館人告我
此奇絕跨衛雙雙南向北夫操南音婦北裝約束人
間好顏色臨行援筆寫兩詩詩中深意君豈知有如
奇士怨淪落又疑豪客甘驅馳人間久已無此輩誰
向天涯得佳對對酒鐙前寶劍鳴當歌座上珊瑚碎

無端道旅太淒涼鬱鬱深深語斷腸不知漂泊今何處留得欹斜字數行

過滹沱河

清濟清漳接濁河秋風今又過滹沱圖經故道誰能按溝洫新猷事若何記得曾攀岸傍樹可憐無定水中波欲尋麥飯蕪蕪路只恐沙塵撲面多

真定望龍興寺大悲閣

回首人天有漏因龍興寺記舊來塵須知十丈光明鏡也要低眉看世人

清風店歌

清風店裏風意清明月店前月色明關山遊子有昔
恨琵琶女兒多怨聲滹沱河上一聲雁兩夕鄉思渾
不斷三千里外江上亭垂楊葉老秋風汀

贈章完素大令甫之官江西東鄉令

記得松陽門外路幾番回首春天樹中有故人契闊
深況復送君從此去西風蕭瑟黃金臺檀車樸馬方
遲回莫援經術飾吏治先愁簿帳牽奇才饒撫之間
君治邑堯稊由來少賦入寒餓驅爲烏鼠偷閒闔忍
聽枯魚泣既能讀律還讀書奮筆請記何易于恢然
將見變餘俗况遇大府今醇儒

謂撫軍阮芸臺先生我未餓君

一樽酒賦詩聊續蘇齋後江上應添輾轉思天街誰
識棲遲久九江之南深復深蕭然三五相知心更憑
略說憔悴意行當一棹扁舟尋

贈高樛仙

願

兼寄張魯江

中鵠

九州我已歷其八若論遊踪微傲君近把詩篇鬪囊
橐獨欽胸次絕塵氛江湖各積棲遲感風月難將去
住分更憶張侯殊蘊藉同緘別思寄停雲

何意連宵咏玉觴燈前小語費思量頻稱河朔高書
記定識琅邪大道王

歌者王生稱樛仙不置

摠是經秋隔城闕

遙知永夕步迴廊九衢一樣飄零迹賦到閒情各斷

腸

花儂曲

客懷如夢無尋處，缸倒寒醪不知數。天街宋莫自歸來，夜夜霜華濕深樹。霜華一度一番新，寶劍千金尙在身。誰招逆旅尋花伴，多謝鑿坡視草人。滿堂無風夜珠動，六七詞人花一種。體寒骨弱香意輕，力倦酒多豔情重。最難欲醉不醉時，相看已結長相思。說是王鈞斜畔住，花儂謚我花無辭。玉簫吹落二分月，來傍瓊樓作花窟。瑤草千臺艷欲消，都梁第一香應歇。停杯無語聽蠶更，絕好良宵意更清。有人惆悵金樽

底欲訴經秋獨抱情

範亭

對此蘭膏與明燭一串明珠

冠場屋問君誰結紫羅囊替渠好護藍田玉珍重徐
陵話別筵玉臺重爲補新編蘭心自寫神俱出露腳
斜飛夢可憐我亦吳儂有花癖頻年慣醉長安陌無
聊只恐到花飛共倚清歌怨圓魄

爲徐謝山丈

承慶

題香雪海丙舍讀書圖

對此梅千樹先生托意深當年香雪境曾抱履霜心
仕宦歸難得家山夢易尋應同墓田帖並作蓼莪音
早患無書讀難忘許借看廿年成漢落萬卷亦叢殘
樹影宵疑暗燈昏夜近闌此情圖不盡一片月同寒

黃範亭

中模

熊聲谷

常鍊

兩編修招同徐少鶴

學士集陶鳧薌編修

櫟

宅相餞錄別一首

朔風捲沙九衢冷
好下重簾學酩酊
綠浮灑灑紅幢
幢但覺情多忘
夜永諸君俱是
神仙客花意雲
光照
瑤席似我經年
飄泊還合抱雲
和悵深夕朝來
僕夫
秣瘦馬行當灑
淚燕臺下衝寒
此別有故人何
時細
話江南春

王子卿侍御

澤

寫燕臺別意圖贈別因題兩詩

連宵話別樽一引
輒沈醉眼中新
故知誰識惆悵
意
年年書劍懷落
落頗自異空教
趙壹詩并作唐
衢淚

茲行溯江雲蕭然策歸騎庭闈苦離別京闕念清邃
三五臺省人惜我此憔悴各致握手言深感交親誼
語多夜將半缺月寒照地眞成一幅圖請作詩紀事
輞川拂絹素酒醒別緒深暮雲在高樹寸碧留遙岑
託根尙無所塞芷亦空吟得君見棖觸寫入蒼煙尋
平生文字緣已比麤後琴無聊贈知己偏結芳蘭心
芳菲旣欲襲荏弱如未任亦有珍重詞先愁風露侵
他年相見意此日將離音山中碧桃花願畫千樹林

花儂畫蘭曲

花儂家本邗溝託居都輦小史之年初日車子之聲

暹雲厭流輩於廣場結詞人於密席則有琅邪侍御
使近筆硯教以畫蘭藩籬初涉枝葉已就豪素自展
風露獨清蘭雪博士謂余前詩曾未言此許製畫蘭
曲未就而余又成茲篇以投其好博士詩成則余之
里辭不足杼軸也

一花亦芳菲一葉自婀娜小閣重簾斐几明冰壺鈿
匣華燧妥有人如玉坐無塵獨取芳蘭自寫真香氣
漸從腕底出花光欲向風中勻我愛花儂芳竟體酬
我素心增旖旎君家博士本多情題遍名花無此比
金臺故事譜燕蘭冶葉倡條亦等閑佳墨自將雲液

和不知何事落人間
露夕風晨看不足
雲階月地懷芳躅
詞客新憐妙手生
愁人難識同心曲
天涯從此獨沈吟
細數新苔第幾岑
圖中密意煙中恨
合就離騷卷裏尋

濟南謁雙忠祠

祠祀六世從祖侍御公暨歷城令韓公皆于明崇禎九年殉歷

城之難事
載明史

瞻拜遺祠意不任
斜風蕭瑟斷垣侵
火攻勢捲青齊地
瓦解人知巡遠心
長使蒼松增氣節
難忘碧血竟消沈

兩公遺骸未得

貞臣守土丹忱在
二百年來直到今

呈山東廉使程鶴樵先生

國仁

飢寒有迹半天下，人說壯遊亦殊假。所幸時逢豪俊人，握手平生一傾瀉。自傷十載塵土中，頻過金臺淚盈把。二華西歷破征衫，泰岱東來嘶瘦馬。也應騰笑到山靈，侶此蕭條行路寡。暫作羈栖歷下亭，何期得近千間厦。十年契闊一朝伸，洗我風塵有儒雅。吁嗟師門大誼久飄零，徒侈雕龍兼炙輠。誰得遙遙絕續心，公真入室升堂者。更憐下士隨蹄輪，欲問前途苦龔啞。中吳舊里竟無家，江上新知猶有社。相逢願得深意陳，臨岐又使離情惹。下弦冷月欲照人，歌罷木聲盈四野。

長城杞梁故里

長城渺何處遺廟此村墟列國無堅土孤臣尙敵廬
朔雲寒不斷遙吹動還徐一代鬼雄絕春閨恨有餘
車中眠醒已過泰山下

空言五岳游恂恂出齊州滄海胸中結神山夢底收
醒來成轉側望去幾遲留朝日兼雲氣青冥一片浮

別滋陽陳貞白大令

醉

昔別居然三建寅重逢依舊惜沈淪心欽悃幅無華
吏身愧尋常行路人話到性情停酒盞若求蹤跡問
車輪相思沈水東流處一勺廉泉不療貧

曲阜瞻謁

孔林敬拜

先師廟十韻

九埏兼八表而地更函天間道始經魯來觀竟自燕
誰同秦博士欲問魯諸賢築室寧無址尋碑亦有年
古風仍族葬王禮接心傳殿賦靈光巖書從撰考孳
兩楹思舊夢雙闕證遺編宇宙斯文大風塵下士憐
壁中絲竹杳石上隸科全擬注微言訖重題五鳳輒
顏子廟十韻

陋巷傳疑處新宮朔建成畏吾碑有字克已榜題名

匹練吳門遠，簞瓢魯國清。片言苦孔卓，四法見周情。
博士元人立，祠官唐代明。文應修禮器，制久備牢牲。
樹木風煙古，棖楹斲礪平。諸公儀自肅，素相位難衡。
近聖居能識，思賢意獨傾。黃門家訓在，孰繼後來聲。

傾蓋亭和壁間韵

漸近江南山色青，還家有夢亦伶俜。天涯誰不傷遲
暮，十五年前過此亭。

郊城涂次寄呈山東撫部陳笠颿先生預兼呈

王曼卿提學引之程鶴樵提刑國仁

虛危奎婁野，嚴冬過殘雪。自策兩馬行，兼旬尼車轍。

中有賢大夫頗復愛薄劣桓桓中丞公平生敏且決
千絲棼就理萬鈞重能挈運以意懇誠照以胸澄澈
欵欵廷尉卿樸學儒林傑侃直有家聲經訓久昭揭
程公伊洛裔臺中著清節近由光祿勲受

命此陳臬何幸齊魯間同時皆稷卨去冬涉今春蟻
聚多鼠竊小民本迷愚惑亂成決裂致此實因循奚
遽矜撲滅小東與大東歌者憂惓惓

聖人軫東顧鄭重擇朝列廉訪來京師節度移兩浙
民風欲淳謚吏治去巧譎率以清慎勤各不事搜抉
理卿掌文衡壇宇樹表暉士習除僞體三賢足頡頏

徐徐養元氣瑣瑣消愁結我經舊戰場時聞痛陳說
東郡萬鱸鮓頗濺無罪血烽煙搶攘秋玉石誰更別
要當在平時官民意周徹戶口有實書勸農非虛設
力田舉孝弟上考荐廉潔羣公所優爲無待陳瑣屑
自顧落魄人逆旅中腸熱深感相知心欲去不忍別
中丞丈人行幾載因依切蕭然東魯郊適覩前旌蛻
千夫捧擁時一士容躒蟬緜餘舊日袍硯有前時鐵
可憐棄置身鏗銳差未缺歲寒念道路慰藉生感咽
江南江北山獨往形影子輪輾石犖确店宿風颺冽
郟城已經過岱宗隔嶄絕願得返征車敢成戀岩穴

美人金錯刀猶繫珊瑚玦春風歷下亭應許塵土屐
雖云尙貧賤思此中心悅

清河書感

誰按黃圖說定居昆侖墟出遠紆徐幾年欲作河清
頌千載空傳水利書遙想宣房湛璧馬近疑淮堰有
龍魚問他生長風波者何日東頭到尾閭

蕭條河上欲斜曛鴻雁歸時響不聞漫道門庭真侶
水可憐冠蓋竟如雲臣心思去科條密君子何期議
論分頗聽三吳農事簿簿書猶恐太辛勤

揚州逢汪竹海

全泰

見贈詩有相規語次韵荅

之

廣陵賈客尙肩摩寂寂扁舟悵獨過天市一垣星易
散江鄉千里路偏多相逢歲月愁風雪持贈詩篇有
薜蘿我亦自憐身意拙負他雨笠與煙蓑

渡江至京口

今朝浮玉山前路安穩晴帆合畫圖波映樓臺初蕩
漾雪消城郭尙模糊地空北顧人何在水作東流夢
豈無一陣寒鴉幾枯柳也能點綴此歸途

憶山堂詩錄卷之八

乙亥

還家五首

齊魯車輪濯江湖舟楫艱飄零十年久風雪一家還
未敢思前事猶疑夢故山張融船可住行泊碧溪灣
顛顛吾當返如何不約同存亡餘兩妹離合似征鴻
話舊隔幾歲思親湖北風可能消鬱鬱三五拜兒童
半里城闔近浮谿舊草堂居然無長物聊爾卸歸裝
餞歲詩愁和宜春帖太忙親朋能過我休笑事蒼黃
未理墓田帖先臨乞米書漫疑歸似燕早擬食無魚

并竈恩恩置荆榛漸漸除不嫌卑陋極仍是百年居
天賜莊前路張侯履迹多病中常見憶客裏問如何
無奈身歸晚空成腹痛過盈盈一方水感舊欲滂沱

張慕青先生僑居天賜莊吳筦涔言
其生前深憶鄙人今先生歿已兩年

黃香涇同年 輓詩三首

二十一寒暑相知真久要遊蹤多聚散人事兩蕭條
鶴病終當化松孤寒亦凋從今思舊賦寂寞綴深宵
畫自出機杼詩皆道性靈如君少知己愛我實忘形
古調元難和寒更記獨醒誰知九衢裏分手一千齡

余去冬出都
君尚客京師

楞伽山下路故里定分明丹旒題新字青峯冷舊盟
人間書可付天道恨難平惟有東陽沈哀詞無限情
沈小宛爲君製
哀詞極沈痛

題湯又卿洽名嶽雲集

廿年衡嶽夢一度惜難登古思結無盡奇懷寫未能
山靈欣爾至羈客念吾曾集中有長
沙見贈詩絕頂蒼蒼近詩
成風雨麴

答王井叔嘉祿卽以錄別二首

寂寞還家生計輕贈詩忽到誦偏驚早無意氣矜流
輩薄有篇章道性情卜宅但愁塵飯冷占星長願泰

階平從今喜接青楊巷唱和休忘白社盟

無那飢驅又路衢臨岐爲子立斯須奇童久聽鄉人

論名父曾傳世業無

君爲楊甫先生少子

心迹遙遙千載映文

章落落幾篇殊知君定薄斜川集叔黨何能似老蘇

彭朗峯

蘊琛

宅讌集紀事

海棠影倚鏡檻寒清籤遙角星闌干華燈襲月照花
睡綠酒灑波疑夢殘別賦江淹魂黯黯情詩徐幹思
漫漫晨朝欲咏春江樹持贈諸君子細看

花想詞六首

獨坐蘭舟思不禁盈盈芳樹隔遙岑玉爲樓閣行常

到銖算衣裳立未任
早倚畫屏憐弱骨
曾開鈿匣寫同心
近來花葉離披否
爲是空山煙雨深

榻登乍暝篆煙遲
漫道繁香不自持
鸚鵡迴廊知醒後
鴛鴦簾簿記留時
分明語意元能領
離合神光轉更疑
怪底當年繁主簿
居然肯賦定情詩

不記觥籌到夜分明
燈如月帳如雲餐
風綽約藐姑射堆
繡迷離越鄂君
握手轉聽詞鄭重
傍肩肯觸氣氤縕
紛紛走馬章臺客
寶島歸來只自薰

牽地珠簾避相風
二三知己證蘭叢
雕輪鹿鹿人來訪
鈿管怱怱曲未終
瑤想已深春水碧
麗情難付劫

塵紅含毫一幅添題品不爲芳菲乞化工
自笑蓬萊島外身羣仙視我海中塵不嫌鏡檻邀花
顧無柰琴徽寫恨新道路年時愁雨雪角張昨夜記
星辰碧桃近已開千樹莫忘人間十倍春

目送九衢車轍長當時別意最難忘卻疑蠟燭真垂
淚合署花名作斷腸鑿落怕傾非止酒襜褕不著要
畱香從今敢薄閑情賦已續離騷第幾章

舟過常州趙味辛先生招同陸祁生

繼輅

莊卿

山

綴甲

讌集齋中見秦中畱別四詩卽次原韻

奉呈

著論何能準過秦訪碑曾記問秦人奔馳大有茫茫
路慰藉會憐寂寂身世事同疑蕉覆鹿故園今比雁
來賓樽前語笑諸君在再見真添一倍親

耆舊頻驚異物遷

常州老宿如迂甫舅氏趙麟北洪北江諸先生相繼謝世

靈光

猶見兩名賢

謂葆琛舅氏暨味辛先生

著書各積一千卷名世都

逢五百年莫謂山川能限隔須知翰墨有因緣吾生
若遂歸耕計願種蘭陵郭外田

綴文問字力空殫記取三危露可餐各有言詞潤金
石願將氣味比沈檀頽然已不勝杯杓黯爾尤能愴
肺肝後進卽今多老大停觴說到世情難

歸鞍遞數灞橋秋。此日吳門又放舟。衣食計因貧見拙，精神完卽病非憂。井田小國聞來學，風物前溪羨卧遊。余茲赴滕縣講席先明日仙舟停示浦，請將奇字考鯨浮。

揚州客舍贈王仲瞿

良士

兼寄舒鐵雲

位于真

州

王郎意氣傾四海，說劍論詩三十載。遊無知己一身歸，生作祭文磨石待識君。久已無等倫，如何忽問廣陵春。廣陵春色問不得，落花啼鳥空鮮新。曲折平山堂畔路，彷彿清遊會幾度。小橋流水碧無情，璧月瓊

枝冷誰顧當年人重文選樓文人心骨同雕鏤不傳
李善書中意多恐昭明地下愁從今一曲邗溝水流
向長江殊未已與子生前稍闊疏若論身後時悲喜
青燈闇壁月已升長劍倚天光欲凝漫愁逆旅飄零
客北斗相看猶有稜前日春江波灩灩我別元輿尤
可念相逢只此兩三人但惜柳花飛滿店我行驅馬
北渡河回頭似覺春風多千齡萬代蕪城賦歸聽王
郎斫地歌

清河汪已山

敬

宅晤郭頻伽

磨

卽贈頻伽已山

墊角一巾吟兩肩虎邱塔下劍池邊

余十許歲時曾見頻伽于虎邱

山川限我八千里魂夢牽人三十年可許客中添骨
肉頗聞海內有詩篇深情更識汪倫重知向多生結
此緣

我已涉江愁浩歌踟躕未肯渡黃河若論知己思常
見無奈貧交難屢過別後且將詩作證生前多半酒
爲魔與君同負家山好又是春深到薜蘿

飲席聽余秋圃琵琶

秋圃名浩
松江人

河隄煙柳參差綠舉酒相從驚別促坐中有客抱遙
情勸我一杯彈一曲春缸在手醉易醒金撥當心斷
還續美人無語數低徊壯士有懷愁窘束耳中高下

非一聲使我鬱鬱中難平知君本是詞章客不綴一篇能自鳴邏沙塞上邯鄲道千百琵琶女兒好紅妝大抵不勝情立向燈前鬢影橫定教俛首氍毹地傾倒佳人絕代名羣山歷亂青春暮此聲寂寞江南路江南詞客摠飄零持贈詩篇各無數漸離擊筑怕言歸王孫乞食將無路不如料理鷓鴣弦自取閒愁一傳分明積有故人淚偃蹇當辭舉世憐今宵歡讌倏成古酒酣拔劍爲公舞舊事茫茫不可彈天涯老卻余秋圃

南沙河

四月南風忽捲沙雙輪宛轉較橫邪孤城隱約雲疑
近十里迷茫樹半遮難把愁心消日暮誰知病骨到
天涯斷魂摠是花經眼不許堤頭放一花

示滕縣書院諸生并贈項大令

立本

四首

朝來開講舍濟濟來諸生衮衣拖紳帶揖讓無俗情
相贄以文字各和雅頌聲我行四方久風氣多變更
靡靡欲投時往往爲卻行讀書絕外慕立品貴有程
斯迺第一義敢以要同盟

師儒既有官弟子亦有員嚴以歲月課程以制舉文
至於立書院所貴友多聞人期氣類合學廣支派分

講貫到今古搜羅恣典墳况茲近鄒魯習與賢聖鄰
毋溺當世學相與求其真

我頻過滕壤悠然思井地且共學周官定不昧古義
此鄉多泉源易復溝洫制人士食舊德吠滄應能記
儻爲根本謀先裕農桑計行當告令長遺規請一試
如有策可陳亦覘志士志

沛南緬張生蒿盦寫遺編曲阜聖人齋驛軒述作傳
前脩殊未遠實學宜共挈我慕山東儒喜來坐寒甍
滕薛小邾地已訂往復緣諸賢不自薄苦語聊相宣
勉從稽古儒慎勿見異遷

贈沈璋

銷魂也解罇前曲落魄甘爲廡下身岱嶽氣青滄海
白往來仍是一詩人

題郭伯寅孝廉

孚占

東遊吟草三首

一圓一闕天上月旋開旋落園中花不能消遣經年
思但有新詩常憶家

珍珠泉有涓流痕赤鯉三尺沫未渾

沂南節署珍珠泉赤鯉魚長三尺

尺戟門風定石橋暗夜半更好尋潛龜

幾輩題詩歷下亭東來有客太玲瓏卷中同此閒愁
積讀到三更人尙醒

讀史十首

人傳江表太風流著作郎歸未白頭不見官書行海
內但聞天市在揚州舊文強欲譏鐫胸盲史何能笑
左邱酒食笙歌隨處是司勛腸斷昔年游

還俗湯休事孰儕工詩賈島韻難諧可憐銅寺荒涼
後漫說金城寄托乖名賊已迷三里霧羣公終悞八
關齋一朝投畀原如此愁殺張綱道上豺

手寔何容有莠民紛紛投匭事非真小兒入市星熒
惑大姓刊章地搢紳到處但宜乘下澤當時空復笑
平津江東多少無名子誰許來傾一个臣

籍籍華簪進未休
彈冠多半是清流
鑑邊犢鼻傳新賦
關內羊頭識故侯
文到東京原最盛
官從西邸更何求
陳羣九品山濤啟
可許人才一例收

司農簿籍未能移
下戶征輸敢後時
惟有朱門甘酒肉
難爲赤子惜瘡痍
催科不入循良傳
問俗誰陳危苦辭
聞說錙銖多算到
宏羊心計僅如斯

遼水雲帆自古通
何須轉漕比關中
舟師久靖田橫島
市舶常輕海若宮
北戒源流趨渤海
東吳稔稻治艨艟
試奪舊史河渠志
根本當年計亦工

紛然霸術有書成
積素熬波利自并
篇著海王矜大

國人來文學議西京牢盆久已傷貪賈刀布今宜事
薄征都說年時寬禁網不聞椎剽太縱橫

黃河百折勢難收國計千年費坐籌土性疎原當地
腹水工堅更賴人謀廟堂若欲紓東顧溝洫終宜挽
北流竹箭淇園歌可續醜渠迹本在中州

安仁秋興二毛侵玉粲登樓千里心檇櫟甘爲無用
樹鏤鉞愁作不祥金西堂惆悵人猶在北斗闌干夜
已深早制生前無限淚雍門子更一微吟

堂堂歲月客中過其柰青衫顛顛何落魄居然增酒
債傷心底許托詩魔舊芸幾載愁殘葉柔翰前宵夢

行波願與短檠評往史已忘風雨夜來多

蔣伯生

因培

贈泰山秦刻石殘字作此謝之

兩過泰山下曾未一登陟寂歷秦漢封蒼茫金石刻
今茲遊海右暑雨車暫息客伴太玲孌古思先偈仄
忽開蔣詡徑不秘金薤色斯翁小篆存二世詔書勒
七字結構完三字已半蝕臣斯名漸微去疾官可識
依稀昧死言當時上書式二千建亥年風雨霜露亟
或傳宋摹本銘詞共搜剔後來碧霞宮廿九字未防
乾隆庚申歲祝融恣赫艷炎帝號令行火龍脫徽纏
挾取神物歸元君似無力七十六載來道古各愴惻

聶君道里書芒芒問荆棘阮公金石記虛空想遺則
蔣侯暫去官蕤憂東海側俯窺玉女池光怪露藏匿
青龍大洲獻貞石重拂拭妙手搨硬黃賞心費佳墨
搨來手持贈使我感胷肌程隸變八分鄙別遷流極
數行畱篆體已足抵千億遙遙琅邪臺殘文起顛踣
同爲碩果存尤當證白黑從官失楊樛大夫辨臣德
誰爲始皇紀考訂盡史職登封本無字電雷警愆忒
當同石旁名胡亥後增飾吾妄陳此言願取疑竇塞
行將結遊侶到君草堂北始知同聲應相逢非默默
請見石丈人摩挲過中昃陋彼岱宗祠校量真偽得

寰宇訪碑者眼福知尙嗇空持五鳳字靈光矜魯國
宇文紀獵詩斤權辨多惑茲石有源流請君紀其寔

爲伯生題紀遊圖二首

西州門前猶有樹黃公鑪畔空黃土我亦飄零卅九
年每說存亡淚如雨况君小來本不羈無家作客經
歲時平生不惜數升酒重酌知已尊南池南池不見
前遊迹渺渺清潭尙澄碧更使天涯感舊人伸卷畱
題悵深夕右南池載酒圖乾隆丙午伯生年十九以
詩謁龔梧生于沛上梧生一見傾倒畱飲
于南池者累日

右軍誓墓不復仕憶子顛顛風塵裏當年握手宜南

坊落落數言無乃是東方宴藪楊雄嘲流俗誰知文
字豪歷下亭前得相見已遺人事弛天駁東西行借
三間屋伏雨畱人成往復千里相思芳草堂共展斯
圖當杼軸

右京國論文圖乾隆庚戌伯生將出都王
揚甫丈送之以讀書砥行相切磋

贈劉松齋都轉清二十四韻

盛世資賢傑通儒善將兵一心能運用百戰有聲名
夫子當官早人間德望并貔貙歸化育闡闔鑒精誠
蜀道昔多壘戎州列重營烽煙愁上帥耳目俟前旌
大勇元無敵深仁更有情近民通疾苦入世息紛爭
短策收龍豹長驅竄鼯狔奇功身不有

殊遇衆皆驚駭歷經中外艱危仗老成犬牙連繡錯
鼠竊小縱橫電掃虛危野風堅齊魯城廉頗才獨任
隨會讓諸卿到處如雲蜺歸來視父兄三軍解犀甲
千里靜鼉更

聖主從民欲良臣信國楨崇勛班品貴

都轉以二優
品銜閣任

秩筴鹽征借寇心俱慰依劉願共傾奔馳方道路瞻
仰得平生岱嶽衆山小黃河帶水縈偉人真一代下
士欲長鳴劍字光猶在琴聲動未平瘞時多感激何
敢計歸耕

家華仙刺史叔

懋祚

以馬腦鼻煙壺見贈賦此

以謝

西洋淡巴菘中原號煙草傳自明以來嗜好遍童老
細磨作輕塵漸謝煙火燠鏤金合舊製水玉壺新造
近來重陶器刻露間朱縵去年長安市曾致數碼碯
視彼既樸堅殊復見精好日品煙氣味笑似食求飽
清談滿座傾美醞盈樽倒斯時鼻觀聞清氣襲頭腦
雖同流俗翫竟爾嗜羊棗客行見吾叔相欵深古道
論文得我先珍味識亦早不惜青銅錢購致比瓌寶
一壺供把握仿鬚辨水藻充我橐中裝解我勞心憊
割愛感則深始見物無小劉伶酒德頌陸羽茶經考

世人好未久篇章此猶少以斯充故實他年備搜討

歷下畱別八首

千里一知已三春別緒深相思來海右乘興似山陰
風雨增羈感文章示苦心柳枝攀不盡歸路隔江滸

中丞陳笠
颯先生

落魄逢京邸遊齊屢過從何曾惜言論使我感心骨

豪飲思河朔清遊約岱宗

約于八月爲
泰山之遊

不知滄海上

雲氣幾千重

戶部錢質夫先生時主講溧源書院

江東與冀北相見各花飛五載思燈火三更動軫楸
聰明吾最羨慰藉世應稀好托珠泉裏紅鱗六六肥

宛平俞同甫昌會時依其外兄陳中丞於歷下

識子林宗裔貽余寶劍篇古懷崇漢魏奇氣得幽燕
好訪千年刻行題九點煙其如滿湖月相望只空憐
全椒郭伯寅孚占時容節署

綠竹夾清水

成語

名園訪近郊

刺史服園別業在濟南西門外里許難忘

明瑟境思借海棠巢生意看庭樹天涯若繫匏可憐

泉石畔孤負載山肴

歷城周東木刺史震甲

題壁堂前酒

大明湖呂仙祠有題壁堂

飄零共一樽相知元有數

小住已畱痕金石盟如此韋弭佩尙存自窮煙際樹

高閣又黃昏

常熟蔣伯生大令因培

室有芝蘭味盃傾琥珀紅鄉情逢易熟遊迹算難同
顧陸門俱舊江湖道未窮臨岐一怙悵晴陌正西風
同邑湯曉邨耀曾

欲問明湖柳愁過歷下亭芙蓉香有國煙水夢無汀
詩境入空靄琴聲際杳冥畸人高閣裏何日更來聽
北極閣道士

兗州郡齋苦雨

我遊東郡過旬日官衙早見秋風發遙天空望岱宗
雲清宵頻負南樓月窗前正倚老樹根蝙蝠窺人蒼
鼠出此時已覺易生愁况聽風號雨聲疾初從屋瓦

出從澹旋見堂均通汨汨四圍森木漸幽暗萬葉千
條響難歇不知城東金口壩可有橫流浸龍骨狂瀾
歲歲變溟滓碣岸人人憂漲溢旅人枯坐默不言坐
恐泥涂馬行蹶雨聲漏聲更相雜獨對秋檠和蕭瑟
不得袁蘇亭消息十餘年矣頃聞其於前年謝

世作此誌哀四首

道義無存沒交情有死生一星論遠別舊雨忽吞聲
但覺江湖暮空悲壇坫盟唱酬前句在誰寄九隆城
寂寞檀弓記飄零杜老詩青山各埋骨紅豆枉相思
論說猶如昨平生未可知茫茫岐路在又此哭袁絲

余少至滇中蒙望江檀默齋新建杜蕩莊兩丈及君以忘年訂交後默齋沒於江寧旅邸蕩莊沒于黔中成所

草生吳苑路曾作半年遊花發平溪畔還停雙槳舟

君子癸亥歲來遊江浙次年回滇又過玉屏官舍江波鱗久斷蒙臉樹增愁

今日山陽笛難登水上樓

昔訂忘年約今疑隔世人傳聞當有誤夢想或非真

文獻搜羅在精華歲月新君輯滇南詩文略數百卷付梓行世名山一

萬里千載亦比鄰

歷城四憶詩

幕府鶴 山東節使園中一鶴不知其年壽

往來飲啄翛然無儔侶每過幕府輒見此鶴也

鶴壽本難紀空山別幾年影清時近水性冷欲衝天
雅韻依琴軫修翎潔石泉不知雲外侶幾度叫蒼煙
脰園竹 周東木脰園別業有賢清泉按齊
乘爲七十二泉之第二泉也泉上種竹萬竿
綠影參差澗流轉碧俗塵一滌幽懷滿襟

娟娟有修竹寂寂倚回欄碧澗影逾淨蒼篔色更寒
秋風欲披拂盡日憶檀欒寄語平安信騷人與未闌
大明湖柳 新城尙書感明湖秋柳賦詩寄

興余見跪地萬株追懷不已自別此湖忽聞
蕭瑟不知婆娑之態視昔何如

漁洋秋柳詩攀折起相思羌笛風初怨畫船人繫遲
客魂銷此地景色冷年時亦有清江上空垂兩岸絲
旅舍石牀 歷城西門內逆旅有石牀一余
長夏賃居偃息其上

桃枝不作簾支石已成牀病骨晝思卧羈人夢漸涼
雲光時漏樹雨氣欲侵裳轉側兼旬熟相依詎肯忘
無題

瓊笈篇篇有姓名花時惆悵隔層城紅樓舊事遺瑤

草碧落前題付玉笙五嶽不愁雲臥冷十洲已徹月
華明銀屏珠薄迷離處只有衣裳記得清

天風吹到五銖衣羅帶無情力乍微冰雪恰宜煙月
護波濤似覺海山非重重金闕初通後宛宛銀河相
見稀語自步虛聲裏聽今宵烏鵲正南飛

一昨

一昨看花花底行名花無語似含情願同月裏清輝
滿無柰天涯別緒縈玉骨最憐初病校冰心還托小
詞明人間誰種相思子多恐秋風到處生

西溪流水問如何愁絕當年子夜歌小字明珠量斛

後芳齡碧玉破瓜過幽蘭欲發香宜遠叢桂初開夢
漸訛簾幙一重輪四角清宵獨坐望銀河

書意

寂寞偏傳昨夜砧玉繩無迹漏聲沈秋風應惜人顛
顛不遣哀絲動客心

俠骨還宜佩玉儼匣中秋水眼中波居然兒女英雄
意領略筵前尙未多

落花惆悵埽斜曛琴軫裊裊更夜分盡是人間可哀
曲何時次第月中聞

滕縣中秋夜與劉裳之李隱香待月不見

濁醪易醉夜方賒官鼓沈沈話漸加況此中秋月無
色同深離思天之涯驚鳥不定風聲暮縣舍樹上
棲鳥最多寒
兔難尋露腳斜莫問連蜷小山桂今年孤負幾叢花

泰安道中坐二把手車

低篷捆就小舟形竟日單輪轉不停真羨如龍挽流
水卻同陽虎寢蒸靈已無逸足行甘後柰有長身坐
未寧自笑臥遊東岳底呶啞聲向夢中聽

德州途次口占

齊州已過近燕雲河上疎林間夕曛野有蓋藏深喜
氣人思投止慰勞筋攀將衰柳情無盡笑與歸鴻路

自分蕭瑟西風衣漸冷秋來砧杵不堪聞

河閒懷古

當時河閒重賢名禾黍郊原意轉驚博士官存周禮
樂諸侯王識漢宮城每尋佳傳千秋想早使遺經一
代明誰取釃渠求寔是胡蘇亭遠不勝情

趙北口雨

趙北沙塵俱不到江南煙雨忽思家平疇彌望沈菰
米遠水只今生蓼花亭古恰宜小艇繫橋危曾見曲
欄斜行來欲發清秋興無奈荒墩動暮笳

渡白溝河

白溝河已近桑乾此日偏多路屈盤夏秋雨多泥五
渟車行遶道五
百載忘邊柝重三千里有客袍寒雲連樹色浮橋斷
浪接沙痕擊楫難且學悲歌燕趙士年年幾度過征
鞍

涿州追悼孫鳳卿

八厨海內從君數昔過名州輒暫停座上雄談今寂
寞篋中悲緯舊零星君刻緯
書未畢衰門李燮終誰問岐路

楊朱晚怕經丁字街頭行迹在君家州北門
內丁字口可憐宿

草幾青青

九月廿一日陶鳧薌

樑

黃范亭

中模

熊聲谷

常

三編修戴竹友郎中延熈招集都門邸舍徐

少鶴學士頌以入直西苑未至因呈諸君兼

柬少鶴四首

聞說黃金不築臺紅塵十丈又重來諸公莫說經年別早把愁心付酒杯

文無秋水論龍豹字有春坊照鸛鵲明到華鐙濃到酒依然送我逐輪蹄

樽前我自當天涯慰藉詞多夜未賒卻想西垣人寂寂定教吟遍紫桐花

卷中香草憶前塵邨上雲和調亦新月未下弦霜未

曉替花遍祝護花人

有贈

憐君氣味感君心
回合脩廊任我尋
珍重已深琴酒
夕低徊仍索短
長吟舊盟欲證
星河在後會休
教風露侵塵海
茫茫人落落年
來難別是知音

韓尚書

詩

屬題承

恩介社圖

今皇改元十九載
六字寧謚三階
平壽星已明
角亢氏第祿遍
錫公侯卿安
陽尚書世人
傑地有河嶽
天璣衡雲司
早聞薄毛摯
碧海久已驅
蛟鯨臯陶蘇
公出

聖代入摠肺棘兼戎兵絲綸密勿接

天對沆瀣一氣通精誠優賢揚歷暢軍國

恩明誼美陳家庭

帝曰爾臣朕楨榦有親八十延耆齡維時庶獄皆就
理私恩許展家人情琳瑯

天府出珍賜輝煌

宸翰增光榮昔歲春期百廿日依依楊柳舒春城闕
門暫別家漸近上堂申慶歡顏生

龍光已臨天咫尺鳩杖自拜嚴屏營樂餘老人少年
日大有豪氣飛縱橫中頗奔走晚藏密笑任驥足天

衢行功勛在國親志養

恩寵入門閭里驚老人感激

聖人意厚臣父子良匪輕許畱林泉乞安樂爾速趨
朝朝

帝京內申家禮外從政尙書忠孝有令名願紀

君寵暨親訓承

恩介祉斯圖并鯁生濡筆賦盛事請和鍾磬吹匏笙

歷城客舍晤李賓雲

雍

歷下亭前重到時相逢握手惜遲遲不須惆悵飄蓬
迹聊復沈吟秋柳詩萬里居然窮水地一家猶是滯

天涯今宵無限聞雞感更有明明隙月知賓雲自廣西奉母旋

京行舟尚泊臨清

爲湯雨生騎尉

貽汾

題秋江罷釣圖

每逢海內工詩客輒詠秋江罷釣圖紅樹有情增悵
望青山無恙似模黏六弋坐惜風塵積一笠空憐魚
鳥孤只有幾行南去雁替傳消息到塘蒲

我扶客病羈滕壤君奉官符出

帝京眈眈河梁人折柳念念車馬話班荆重題舊事
低徊久難遣殘年去住情行就江頭狎漁釣請將尺
幅寫鷗盟

宿鄒縣胡鍊香孝廉

錄

寄雲少府

秉忠

出其亡

兄石臣遺畫屬題

縑素如新淚已斑
微雲欲展舊煙鬟
騷人詞賦今何有
零落人間一角山

兩夕清談到四更
天涯兄弟有深情
歸來從此添蕭瑟
自翦寒燈數雨聲

雜題三首

慷慨當年自請行
琵琶重疊譜新聲
後宮無數良家子
空抱秋風團扇情

石季倫王明君辭

室中已得天人配
宇內還多福地居
便有雄心銷可

盡底須浮海王扶餘

無名氏虬髯客傳

男兒金盡不須愁騎鶴腰纏事易求
只待精心誦老子大丹與駐八千秋

無名氏杜子春傳